



PROGRAM
SUFINANCIRANJA ZAPOŠLJAVANJA 2021

Sarajevo, januara/siječnja 2021. godine

SADRŽAJ

1.	Osnov za donošenje, izvor financiranja i nosioci realizacije Programa.....	4
2.	Cilj.....	4
3.	Ciljne grupe.....	4
4.	Korisnici	4
4.1.	<i>Poslodavci</i>	4
4.2.	<i>Kantonalne/županijske službe za zapošljavanje</i>	5
4.3.	<i>Nezaposlene osobe</i>	6
5.	Način sufinanciranja	6
6.	Poticajne mjere i ciljne grupe.....	6
6.1.	<i>Tvoja prilika 2021</i>	7
6.2.	<i>Zapošljavanje žena 2021</i>	8
6.3.	<i>Prilika za sve 2021</i>	9
6.4.	<i>Doprinos 500 – 2021</i>	9
6.5.	<i>Zapošljavanje demobiliziranih branilaca/razvojačenih branitelja 2021</i>	9
6.6.	<i>Periodično/sezonsko zapošljavanje 2021</i>	10
6.7.	<i>Nova prilika 2021</i>	10
6.8.	<i>Javni radovi i pomoć potrebnima 2021</i>	11
6.9.	<i>Tražim poslodavca 2021</i>	12
6.10.	<i>Služba u suradnji sa poslodavcima 2021</i>	12
7.	Raspodjela predviđenih sredstava za realizaciju Programa.....	13
8.	Priprema za realizaciju Programa	15
9.	Javni poziv.....	15
9.1.	<i>Registracija poslodavca</i>	15
9.2.	<i>Prijava na Javni poziv</i>	15
10.	Provjera i obrada pristiglih prijava/zahtjeva	17
11.	Zaključivanje ugovora o sufinanciranju	18
12.	Pravdanje i isplata ugovorenih sredstava	19
13.	Opće napomene.....	19

- 14. Kontrola i praćenje izvršenja ugovorenih obaveza.....20**
- 15. Indikatori za praćenje realizacije (monitoring) i ocjenu uspješnosti efekata mjera (evaluaciju) .20**

1. Osnov za donošenje, izvor financiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH i ciljevima iz Programa rada Federalnog zavoda za zapošljavanje za 2021. godinu i Trogodišnjeg plana rada Federalnog zavoda za zapošljavanje 2021-2023, te Zakona o pravima branitelja i članova njihovih porodica („Službene novine Federacije BiH“, broj 54/19 od 31.7.2019. godine, sačinjen je Program sufinansiranja zapošljavanja 2021 (u daljem tekstu: Program).

Za realizaciju Programa predviđena su sredstva u iznosu od **23.000.000,00 KM** u skladu sa Financijskim planom za 2021. i procjenom za 2022 i 2023. godinu.

Federalni zavod za zapošljavanje (u daljem tekstu: Zavod) realizira Program u suradnji sa kantonalnim/županijskim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj

Program se realizira s ciljem zapošljavanja najmanje **7000** osoba sa evidencije nezaposlenih u Federaciji BiH sa posebnom socijalnom i rodnom osjetljivošću, radi njihovog zapošljavanja, sprječavanja dugotrajne nezaposlenosti, očuvanja i unaprjeđenja radnih sposobnosti, te stvaranja uvjeta za jačanje konkurentnosti mladih osoba bez radnog iskustva kroz osposobljavanje za rad u struci i stjecanje prvog radnog iskustva.

3. Ciljne grupe

Programom će se kroz različite mjere obuhvatiti sljedeće kategorije nezaposlenih osoba:

- mladi,
- žene,
- osobe dobi do 35 godina sa radnim iskustvom/stažom,
- osobe preko 40 godina,
- dugotrajno nezaposlene osobe, prijavljene na evidenciju nezaposlenih 12 mjeseci i više,
- osobe nižih kvalifikacija i bez kvalifikacija,
- demobilizirani branioci/razvojačeni branitelji.

4. Korisnici

4.1. Poslodavci

Korisnici Programa su poslodavci registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu sudjelovati:

- poslodavci koji su koristili kreditna i/ili bespovratna sredstva iz poticajnih mjera Zavoda/Službe a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,

- poslodavci koji ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

Po svakoj objavi/otvaranju Javnog poziva, poslodavcu se može odobriti sufinansiranje zapošljavanja, ukupno po svim mjerama, najviše po 20 osoba sa evidencije nezaposlenih po kantonu/županiji što podrazumjeva i mjeru Služba u suradnji sa poslodavcima 2021.

Poslodavcu se neće sufinansirati zapošljavanje osoba koje je već zapošljavao, ne koristeći sredstva iz poticajnih mjera Zavoda/Službe, a kojima je prestao radni odnos kod tog poslodavca u posljednjih 12 mjeseci prije dana objave Javnog poziva (izuzev mjere: „Javni radovi i pomoć potrebnima 2021“), odnosno prije dana podnošenja zahtjeva za sufinansiranjem za mjeru Služba u suradnji sa poslodavcima 2021.

Također, poslodavcu se neće sufinansirati zapošljavanje osoba koje je zapošljavao koristeći sredstva iz poticajnih mjera Zavoda/Službe, a kojima je prestao radni odnos kod tog poslodavca u posljednja 24 mjeseci prije dana objave Javnog poziva (izuzev mjere: „Javni radovi i pomoć potrebnima 2021“), odnosno prije dana podnošenja zahtjeva za sufinansiranjem za mjeru Služba u suradnji sa poslodavcima 2021.

Poslodavcu se neće sufinansirati zapošljavanje osoba po mjeri „Periodično/sezonsko zapošljavanje 2021“ koje je već zapošljavao, koristeći ili ne koristeći sredstva iz poticajnih mjera Zavoda/Službe, a kojima je prestao radni odnos kod tog poslodavca u posljednja četiri (4) mjeseca prije dana objave Javnog poziva.

Korisnici mjere „Doprinos 500 – 2021“ su poslodavci, registrirani u Federaciji BiH u skladu sa Zakonom o privrednim društvima i Zakonom o obrtu, kao i javne zdravstvene ustanove koje pružaju usluge zdravstvene zaštite, registrirane na području Federacije BiH, a koje zbog pandemije korona virusa imaju manjak kadrova.

Korisnici mjere „Prilika za sve 2021“ su poslodavci, registrirani u Federaciji BiH u skladu sa Zakonom o privrednim društvima i Zakonom o obrtu.

Korisnici mjere „Javni radovi i pomoć potrebnima 2021“ su poslodavci registrirani u Federaciji BiH, i to: javna preduzeća, jedinice lokalne samouprave, federalne, kantonalne/županijske i općinske institucije/ustanove koje djeluju u oblasti socijalne zaštite/skrbi, obrazovanja, kulture, komunalne privrede, ekologije i turizma, kao i nevladine organizacije koje surađuju sa navedenim institucijama/ustanovama u prethodno navedenim oblastima ili rade na programima/projektima koji se tiču istih oblasti, podržanim od drugih donatora.

Poslodavcu se neće sufinansirati zapošljavanje osoba, tj. neće se zaključiti ili će se raskinuti ugovor o sufinansiranju zapošljavanja u slučaju ukoliko Služba utvrdi namjeru zloupotrebe ciljeva i drugih odredbi ovog programa.

4.2. Kantonalne/županijske službe za zapošljavanje

Korisnici Programa po mjeri „Služba u suradnji sa poslodavcima 2021“ su kantonalne/županijske službe za zapošljavanje, koje sa poslodavcima i/ili drugim pravnim subjektima surađuju radi zapošljavanja i obuke nezaposlenih osoba na kantonalnom/županijskom, odnosno općinskom nivou.

4.3. Nezaposlene osobe

Korisnici Programa su nezaposlene osobe definirane ciljnim grupama, prijavljene na evidenciju kantonalnih/županijskih službi za zapošljavanje u Federaciji BiH.

5. Način sufinansiranja

Programom je predviđeno sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće osim za mjeru Doprinos 500 – 2021 kod koje se kompletan iznos uplaćuje za doprinose te mjere Služba u suradnji sa poslodavcima, podmjera sufinansiranja obuke, kod koje je iznos sufinansiranja namijenjen troškovima obuke.

Zavod poslodavcu, po dostavljenom pravdanju, refundira određeni iznos koji je definiran svakom mjerom zasebno.

Osnovni iznos sufinansiranja zapošljavanja u svim mjerama se bez kumulativnog zbrajanja povećava za 10% za sljedeće kategorije nezaposlenih osoba:

- osobe sa izrađenim individualnim planom zapošljavanja (IPZ) prije objave javnog poziva, a kod mjere Služba u suradnji sa poslodavcima 2021, osoba mora imati izrađen IPZ prije podnošenja zahtjeva za sufinansiranjem.
- osobe sa invaliditetom, kao i radno sposobne osobe sa lakom i umjerenom retardacijom (dokaz - uvjerenje instituta za medicinsko vještačenje),
- članovi šehidskih porodica ili porodica poginulih branitelja (dokaz -uvjerenje BIZ-a ili drugi relevantan dokaz),
- nezaposleni demobilizirani branioci/razvojačeni branitelji (dokaz - relevantna dokumentacija) – ne primjenjuje se na mjeru Zapošljavanje branitelja 2021,
- djeca nezaposlenih demobiliziranih branioca/razvojačenih branitelja (dokaz - uvjerenje BIZ-a),
- djeca i supružnici osoba s invaliditetom od 60% i više (dokaz - uvjerenje općine),
- članovi domaćinstva u kojem ni jedan član nije zaposlen (dokaz - uvjerenje općine i uvjerenje biroa za zapošljavanje),
- Romi (dokaz - ovjerena izjava o pripadnosti romskoj nacionalnoj manjini),
- samohrani roditelji, staratelji i hranitelji i njihove djece (dokaz - uvjerenje centra za socijalni rad),
- roditelji djeteta sa posebnim potrebama i roditelji teško bolesne djece (dokaz - uvjerenje centra za socijalni rad, druga relevantna dokumentacija),
- žrtve nasilja, žrtve nasilja u obitelji i djeca žrtava nasilja, civilne žrtve rata i dr. (dokaz - uvjerenje centra za socijalni rad, MUP-a, suda, te sigurne kuće),
- liječeni ovisnici (dokaz - uvjerenje specijalizirane medicinske ustanove, uvjerenje komune),
- bivši štíćenici doma za nezbrinutu djecu (dokaz - uvjerenje doma za nezbrinutu djecu, uvjerenje centra za socijalni rad).

6. Poticajne mjere i ciljne grupe

Programom su predviđene sljedeće mjere:

6.1. Tvoja prilika 2021

U sklopu ove mjere predviđene su dvije (2) podmjere:

1. *Prvo radno iskustvo za mlade nezaposlene osobe dobi do 30 godina, i to:*

- za osobe sa srednjom stručnom spremom (III i IV stupanj), prijavljene na evidenciju nezaposlenih u Federaciji BiH prije dana objave Javnog poziva, uz zasnivanje radnog odnosa na period od šest (6) mjeseci,
- za osobe za višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), ukoliko su prijavljene na evidenciju nezaposlenih u Federaciji BiH prije dana objave Javnog poziva, uz zasnivanje radnog odnosa na period od 12 mjeseci.

Cilj ove podmjere je da se što većem broju mladih osoba omogući osposobljavanje za rad u struci i sticanje prvog radnog iskustva u zvanju za koje su se školovale, kroz zasnivanje radnog odnosa, te na taj način poboljša njihova konkurentnost i integracija na tržištu rada.

Korisnici ove podmjere trebaju osigurati mentora u zvanju/zanimanju za koje su se školovali.

Mentor može biti zaposlenik angažiran na osnovu odluke poslodavca ili druga stručna osoba angažirana na osnovu odgovarajućeg ugovora.

U ovoj podmjeri ne mogu sudjelovati osobe koje su na bilo koji način stekle radno iskustvo u struci/zvanju za koje su se školovale.

2. *Sufinanciranje zapošljavanja osoba sa radnim iskustvom/stažom, dobi do 35 godina, prijavljenih na evidenciju nezaposlenih u Federaciji BiH prije dana objave Javnog poziva, i to:*

- bez obzira na stručnu spremu, na period od šest (6) mjeseci
- sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), na period od 12 mjeseci.

Cilj ove podmjere je da se što većem broju osoba iz ciljne grupe omogući efikasnija integracija na tržištu rada.

Poslodavac se odmah prilikom prijavljavanja na Javni poziv odlučuje za podmjeru 1 ili podmjeru 2, kao i period sufinanciranja i broj osoba.

Iznos sufinanciranja:

1. *Prvo radno iskustvo za mlade nezaposlene osobe dobi do 30 godina:*

- iznos od 390 KM za protekli mjesec u trajanju od šest (6) mjeseci za osobe sa srednjom stručnom spremom (III i IV stupanj), prijavljene na evidenciju nezaposlenih u Federaciji BiH prije dana objave Javnog poziva,
- iznos od 420 KM za protekli mjesec u trajanju od šest (6) mjeseci za osobe sa srednjom stručnom spremom (III i IV stupanj), prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva,
- iznos od 450 KM za protekli mjesec u trajanju od 12 mjeseci za osobe sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom procesu (180/240 ECTS) i drugim ciklusom (300 ECTS),

prijavljene na evidenciju nezaposlenih u Federaciji BiH prije dana objave Javnog poziva,

- iznos od 480 KM za protekli mjesec u trajanju od 12 mjeseci za osobe sa višom (VI stupanj) i visokom stručnom spremom (VII), odnosno sa završenim prvim ciklusom po Bolonjskom procesu (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva.
2. *Sufinanciranje zapošljavanja osoba sa radnim iskustvom/stažom, dobi do 35 godina:*
- iznos od 390 KM za protekli mjesec u trajanju od šest (6) mjeseci, za osobe bez obzira na stručnu spremu, prijavljene na evidenciju nezaposlenih u Federaciji BiH prije dana objave Javnog poziva,
 - iznos od 420 KM za protekli mjesec u trajanju od šest (6) mjeseci, za osobe bez obzira na stručnu spremu, prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva,
 - iznos od 450 KM za protekli mjesec u trajanju od 12 mjeseci, za osobe sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH prije dana objave Javnog poziva,
 - iznos od 480 KM za protekli mjesec u trajanju od 12 mjeseci, za osobe sa višom (VI stupanj) i visokom stručnom spremom (VII), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), prijavljene na evidenciju nezaposlenih u Federaciji BiH najmanje šest (6) mjeseci prije dana objave Javnog poziva.

6.2. Zapošljavanje žena 2021

Mjera podrazumijeva sufinanciranje zapošljavanja žena, prijavljenih na evidenciju nezaposlenih u Federaciji BiH prije dana objave Javnog poziva, i to:

- bez obzira na stručnu spremu, radno iskustvo i dob, na period od šest (6) mjeseci,
- sa višom (VI stupanj) i visokom stručnom spremom (VII stupanj), odnosno sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS), bez obzira na radno iskustvo i dob, na period od 12 mjeseci.

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se nezaposlenim ženama olakša integracija na tržištu rada i spriječi dugotrajna nezaposlenost, te doprinese povećanju stope zaposlenosti žena.

Iznos sufinanciranja:

- a) iznos od 450 KM za protekli mjesec za žene, bez obzira na stepen obrazovanja, u trajanju od šest (6) mjeseci,
- b) iznos od 450 KM za protekli mjesec za žene sa višom (VI stupanj), odnosno visokom stručnom spremom (VII stupanj), odnosno sa završenim prvim ciklusom po Bolonjskom procesu (180/240 ECTS) i drugim ciklusom (300 ECTS) u trajanju od 12 mjeseci.

6.3. Prilika za sve 2021

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva, bez obzira na radno iskustvo, spol, dob i stručnu spremu, i to u trajanju od šest (6) ili 12 mjeseci.

U slučaju da se poslodavac opredijeli za zapošljavanje osoba na period od 12 mjeseci, tada se poslodavcu refundira ½ subvencije nakon šestog (6) do 12-tog mjeseca perioda sufinanciranja.

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se nezaposlenim osobama olakša integracija na tržištu rada i spriječi dugotrajna nezaposlenost uz mogućnost pružanja podrške poslodavcu u obliku produženog sufinanciranja zapošljavanja, te doprinese povećanju opće stope zaposlenosti.

Korisnici ove mjere mogu biti isključivo poslodavci iz privatnog sektora.

Iznos sufinanciranja:

- a) iznos od 390 KM za protekli mjesec u trajanju od šest (6) mjeseci,
- b) iznos od 390 KM za protekli mjesec u trajanju od prvih šest (6) mjeseci i iznos od 195 KM za protekli mjesec u trajanju od narednih šest (6) mjeseci.

6.4. Doprinos 500 – 2021

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva, bez obzira na radno iskustvo, dob i stupanj obrazovanja na period od šest (6) mjeseci.

Cilj ove mjere je da se nezaposlenim osobama olakša integracija na tržištu rada i spriječi dugotrajna nezaposlenost uz podršku poslodavcima za osiguravanje više plaće nezaposlenoj osobi/radniku, a koja podrazumijeva podršku poslodavcu u privatnom sektoru i u javnom zdravstvenom sektoru koji pruža usluge zdravstvene zaštite, a koji zbog pandemije korona virusa ima manjak kadrova, kroz refundiranje iznosa uplaćenih obaveznih doprinosa u visini od 500 KM.

Iznos sufinanciranja:

Zavod poslodavcu mjesečno isplaćuje/refundira iznos od 500 KM isključivo za obavezne doprinose za protekli mjesec u trajanju od šest (6) mjeseci.

6.5. Zapošljavanje demobiliziranih branilaca/razvojačenih branitelja 2021

Mjera podrazumijeva sufinanciranje zapošljavanja osoba u skladu sa članom 2. Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19), i to: demobiliziranih branilaca¹ i demobiliziranih branilaca dobrovoljaca², prijavljenih na evidenciju nezaposlenih u Federaciji BiH, prije dana objave Javnog poziva,

¹ Demobiliziranim braniocem/braniteljem, u smislu ovog zakona, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova, koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uvjetom da ne postoje okolnosti iz člana 36. Zakona o pravima demobiliziranih branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10 i 90/17).

² Demobiliziranim braniocem/braniteljem dobrovoljcem smatra se i lice koje je kao maloljetno dobrovoljno stupilo u Oružane snage u periodu iz stava (1) ovog člana.

bez obzira na radno iskustvo, spol, dob i stručnu spremu, i to u trajanju od šest (6) ili 12 mjeseci.

U slučaju da se poslodavac opredijeli za zapošljavanje osoba na period od 12 mjeseci, tada se poslodavcu refundira ½ subvencije nakon šestog (6) do 12-tog mjeseca perioda sufinansiranja.

Poslodavac se odmah prilikom prijavljivanja na Javni poziv odlučuje za varijantu perioda sufinansiranja i broj osoba.

Cilj ove mjere je da se osobama iz ciljne grupe olakša integracija na tržištu rada i spriječi dugotrajna nezaposlenost uz mogućnost pružanja podrške poslodavcu u obliku produženog sufinansiranja zapošljavanja, te doprinese povećanju stope zaposlenosti ove kategorije nezaposlenih osoba.

Iznos sufinansiranja:

- a) iznos od 450 KM, za protekli mjesec u trajanju od šest (6) mjeseci,
- b) iznos od 450 KM za protekli mjesec u trajanju od prvih šest (6) mjeseci i iznos od 225 KM za protekli mjesec u trajanju od narednih šest (6) mjeseci,
- c) iznos od 500 KM, za protekli mjesec u trajanju od šest (6) mjeseci,
- d) iznos od 500 KM za protekli mjesec u trajanju od prvih šest (6) mjeseci i iznos od 250 KM za protekli mjesec u trajanju od narednih šest (6) mjeseci.

Tačke c) i d) se odnose na zapošljavanje demobiliziranog branioca/razvojačenog branitelja dobrovoljca, koje je kao maloljetno dobrovoljno stupilo u Oružane snage u periodu od 18.9.1991. godine do 22.4.1996. godine (član 2., stav 2., Zakona o pravima demobiliziranih branitelja i članova njihovih porodica).

6.6. Periodično/sezonsko zapošljavanje 2021

Mjera podrazumijeva sufinansiranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva, bez obzira na radno iskustvo, dob i stručnu spremu uz zasnivanje radnog odnosa na period od jednog (1) do šest (6) mjeseci.

Poslodavac sa Zavodom/Službom zaključuje ugovor o sufinansiranju zapošljavanja potrebnog broja osoba na period od najduže šest (6) mjeseci.

Cilj ove mjere je da se nezaposlenim osobama olakša integracija na tržištu rada i spriječi dugotrajna nezaposlenost, te da se poslodavcima osigura radna snaga u skladu sa njihovim potrebama.

Iznos sufinansiranja:

Zavod poslodavcu mjesečno isplaćuje/refundira iznos od 390 KM za protekli mjesec u trajanju do šest (6) mjeseci.

6.7. Nova prilika 2021

Mjera podrazumijeva sufinansiranje zapošljavanja osoba, i to:

- osoba dobi 40+ prijavljenih na evidenciju nezaposlenih u Federaciji BiH prije dana objave Javnog poziva, bez obzira na spol, stručnu spremu i period nezaposlenosti,
- osoba prijavljenih na evidenciju nezaposlenih u Federaciji BiH najmanje 12 mjeseci prije dana objave Javnog poziva, bez obzira na spol, dob i stručnu spremu,

- osoba niže kvalifikacije ili bez kvalifikacije (NSS, NK, PK) prijavljenih na evidenciju nezaposlenih u Federaciji BiH prije dana objave Javnog poziva, bez obzira na spol, dob i period nezaposlenosti,

uz zasnivanje radnog odnosa na period od šest (6) ili 12 mjeseci.

U slučaju da se poslodavac opredijeli za zapošljavanje osoba na period od 12 mjeseci, tada se poslodavcu refundira ½ subvencije nakon šestog (6) do 12-tog mjeseca perioda sufinanciranja

Poslodavac se odmah prilikom prijavljavanja na Javni poziv odlučuje za varijantu perioda sufinanciranja i broj osoba.

Cilj ove mjere je da se nezaposlenim osobama koje su u izuzetno lošoj situaciji na tržištu rada olakša integracija i prekine dugotrajna nezaposlenost, u skladu sa njihovim potrebama.

Iznos sufinanciranja:

- a) iznos od 480 KM za protekli mjesec u trajanju od šest (6) mjeseci, ili
- b) iznos od 480 KM za protekli mjesec u trajanju od prvih šest (6) mjeseci i iznos od 240 KM za protekli mjesec u trajanju od narednih šest (6) mjeseci.

6.8. Javni radovi i pomoć potrebnima 2021

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana objave Javnog poziva, bez obzira na radno iskustvo i dob, uz zasnivanje radnog odnosa na period od jednog (1) do 12 mjeseci.

Cilj ove mjere je ublažavanje socijalnih posljedica nezaposlenosti, te integracija osoba iz ciljne grupe na tržištu rada, kroz vremenski ograničeni radni angažman, čijim angažmanom se doprinosi društveno korisnom radu i pružanju usluga osobama u potrebi.

U sklopu ove mjere predviđene su dvije (2) podmjere:

1. *Javni radovi* - zapošljavanje/radno angažiranje nezaposlenih osoba na period od jednog (1) do četiri (4) mjeseca u oblasti zaštite i očuvanja okoliša, sanacije divljih deponija, uređenja cesta, otklanjanja posljedica elementarnih nepogoda, zaštite kulturnih spomenika, obrazovnih programa i dr.,
2. *Pomoć potrebnima* - zapošljavanje nezaposlenih osoba na period od jednog (1) do 12 mjeseci u oblasti socijalne zaštite/skrbi, u cilju pružanja podrške specijaliziranim i drugim pravnim subjektima, koji pružaju usluge socijalne zaštite/skrbi, kućne njege, pomoći u kući i sl., osobama u potrebi.

Iznos sufinanciranja:

1. Javni radovi - iznos od 430 KM za protekli mjesec u trajanju do četiri (4) mjeseca, bez obzira na stručnu spremu nezaposlene osobe,
2. Pomoć potrebnima:
 - a) iznos od 400 KM za protekli mjesec za zapošljavanje nezaposlenih osoba sa srednjom stručnom spremom (SSS) u trajanju do 12 mjeseci,
 - b) iznos od 500 KM za protekli mjesec za zapošljavanje nezaposlenih osoba sa visokom stručnom spremom (VSS), te osoba sa završenim prvim ciklusom po Bolonjskom sistemu studiranja (180/240 ECTS) i drugim ciklusom (300 ECTS) u trajanju do 12 mjeseci.

6.9. Tražim poslodavca 2021

Mjera podrazumijeva sufinanciranje zapošljavanja osoba, prijavljenih na evidenciju nezaposlenih u Federaciji BiH prije dana otvaranja javnog poziva za ovu mjeru, bez obzira na radno iskustvo, dob i stručnu spremu, uz zasnivanje radnog odnosa na period od šest (6) mjeseci ili 12 mjeseci.

Nezaposlena osoba iz ciljne grupe se prijavljuje na javni poziv unoseći tražene podatke o sebi u *Obrazac - Tražim poslodavca (Obrazac TP)* koji sadrži odgovarajuću šifru.

Nakon što nezaposlena osoba pronađe poslodavca koji je spreman da je zaposli uz ovu mjeru, poslodavac se, također, prijavljuje za sudjelovanje u Programu putem linka na web portalu: www.fzzz.ba, unosi svoje podatke i obavezno šifru iz *Obrasca - Tražim poslodavca (Obrazac TP)* osobe koju namjerava zaposliti i druge potrebne podatke.

Poslodavac se odmah prilikom prijavljivanja na Javni poziv odlučuje za varijantu perioda sufinanciranja i broj osoba.

Cilj ove mjere, koja je fokusirana na nezaposlene osobe, da se nezaposlenim osobama olakša integracija na tržištu rada i spriječi dugotrajna nezaposlenost, te da se pojača njihova motivacija i aktivnost u traženju posla, uz pomoć *Obrasca za traženje poslodavca (Obrazac TP)*, čije je trajanje ograničeno do 60 dana od dana preuzimanja sa web portala: www.fzzz.ba.

Iznos sufinanciranja:

Zavod poslodavcu mjesečno isplaćuje/refundira iznos od 450 KM za protekli mjesec u trajanju od šest (6) mjeseci ili 12 mjeseci.

6.10. Služba u suradnji sa poslodavcima 2021

Mjera podrazumijeva zapošljavanje i obuku za povećanje kompetencija i sticanje dodatnih znanja i vještina osoba, bez obzira na radno iskustvo, spol, dob i stupanj obrazovanja, prijavljenih na evidenciju nezaposlenih u Federaciji BiH prije dana podnošenja zahtjeva za sufinanciranjem, preuzimanjem *Obrasca prijave – Služba u suradnji sa poslodavcima 2021 (Obrazac SP)*, kroz suradnju Službe sa poslodavcem i/ili drugim pravnim subjektima.

Isti poslodavac može Službi dostaviti onoliko zahtjeva za sufinanciranjem koliko bude objavljeno javnih poziva.

Cilj ove mjere je podrška razvoju suradnje Službe sa poslodavcima, kroz sufinanciranje zapošljavanja, obuke za povećanje kompetencija i stjecanje dodatnih znanja i vještina, obrazovanja odraslih, cjeloživotnog učenja nezaposlenih osoba i dr.

Ovom mjerom obuhvaćene su dvije (2) podmjere i to:

1. Sufinanciranje zapošljavanja
2. Sufinanciranje obuke

Sva pravila Programa koja se odnose na nezaposlene osobe i poslodavce primjenjuju se i u ovoj mjeri.

Iznos sufinanciranja:

1. Sufinanciranje zapošljavanja: iznos od 450 KM za protekli mjesec u trajanju do dvanaest (12) mjeseci.
2. Sufinanciranje obuke: iznos od 200 KM za protekli mjesec u trajanju do četiri (4) mjeseca.

7. Raspodjela predviđenih sredstava za realizaciju Programa

Za realizaciju Programa predviđena je sljedeća raspodjela sredstava:

Tabela 1: Okvirna raspodjela sredstava po kantonima/županijama za sve mjere

KANTON	Nezaposlene osobe (31.12.2020.)	70% prema broju nezaposlenih	30% linearno	UKUPNO
1. Unsko-sanski	34.982	1.742.368,61	690.000	2.432.368,61
2. Posavski	4.253	211.831,62	690.000	901.831,62
3. Tuzlanski	76.878	3.829.106,80	690.000	4.519.106,80
4. Zeničko-dobojski	56.159	2.797.143,64	690.000	3.487.143,64
5. Bosansko-podrinjski	3.331	165.909,05	690.000	855.909,05
6. Srednjobosanski	34.685	1.727.575,76	690.000	2.417.575,76
7. Hercegovačko-neretvanski	31.807	1.584.229,56	690.000	2.274.229,56
8. Zapadnohercegovački	11.268	561.231,76	690.000	1.251.231,76
9. Kanton Sarajevo	63.496	3.162.581,83	690.000	3.852.581,83
10. Kanton 10	6.385	318.021,37	690.000	1.008.021,37
UKUPNO	323.244	16.100.000	6.900.000	23.000.000

Tabela 2: Raspodjela sredstava po kantonima/županijama za mjere: Tvoja prilika 2021, Prilika za sve 2021, Doprinos 500 – 2021, Periodično/sezonsko zapošljavanje 2021, Nova Prilika 2021, Javni radovi i pomoć potrebnima 2021

KANTON	Nezaposlene osobe (31.12.2020.)	Osnov za obračun	Udio/učešće (%)	UKUPNO
1. Unsko-sanski	34.982	1.903.592,83	80,00	1.522.874,26
2. Posavski	4.253	705.781,27	75,00	529.335,95
3. Tuzlanski	76.878	3.536.692,28	90,00	3.183.023,06
4. Zeničko-dobojski	56.159	2.729.068,94	63,36	1.729.068,94
5. Bosansko-podrinjski	3.331	669.841,85	90,00	602.857,67
6. Srednjobosanski	34.685	1.892.015,81	61,95	1.172.015,81
7. Hercegovačko-neretvanski	31.807	1.779.831,83	60,00	1.067.899,10
8. Zapadnohercegovački	11.268	979.224,86	60,00	587.534,92
9. Kanton Sarajevo	63.496	3.015.064,04	73,47	2.215.064,04
10. Kanton 10	6.385	788.886,29	60,00	473.331,78
UKUPNO	323.244	18.000.000		13.083.005,53

Tabela 3: Raspodjela sredstava po kantonima/županijama za mjeru: Zapošljavanje žena 2021

KANTON	Nezaposlene osobe (31.12.2020.)	70% prema broju nezaposlenih	30% linearno	UKUPNO
1. Unsko-sanski	34.982	189.387,89	75.000	264.387,89
2. Posavski	4.253	23.025,18	75.000	98.025,18
3. Tuzlanski	76.878	416.207,27	75.000	491.207,27
4. Zeničko-dobojski	56.159	304.037,36	75.000	379.037,36
5. Bosansko-podrinjski	3.331	18.033,59	75.000	93.033,59
6. Srednjobosanski	34.685	187.779,97	75.000	262.779,97
7. Hercegovačko-neretvanski	31.807	172.198,86	75.000	247.198,86
8. Zapadnohercegovački	11.268	61.003,45	75.000	136.003,45
9. Kanton Sarajevo	63.496	343.758,89	75.000	418.758,89
10. Kanton 10	6.385	34.567,54	75.000	109.567,54
UKUPNO	323.244	1.750.000	750.000	2.500.000

Tabela 4: Raspodjela sredstava po kantonima/županijama za mjeru: Zapošljavanje demobiliziranih branilaca/razvojačenih branitelja 2021

KANTON	Nezaposlene osobe (31.12.2020.)	70% prema broju nezaposlenih	30% linearno	UKUPNO
1. Unsko-sanski	34.982	37.877,58	15.000	52.877,58
2. Posavski	4.253	4.605,05	15.000	19.605,05
3. Tuzlanski	76.878	83.241,45	15.000	98.241,45
4. Zeničko-dobojski	56.159	60.807,47	15.000	75.807,47
5. Bosansko-podrinjski	3.331	3.606,72	15.000	18.606,72
6. Srednjobosanski	34.685	37.555,99	15.000	52.555,99
7. Hercegovačko-neretvanski	31.807	34.439,77	15.000	49.439,77
8. Zapadnohercegovački	11.268	12.200,69	15.000	27.200,69
9. Kanton Sarajevo	63.496	68.751,78	15.000	83.751,78
10. Kanton 10	6.385	6.913,50	15.000	21.913,50
UKUPNO	323.244	350.000	150.000	500.000

Tabela 5: Raspodjela sredstava po kantonima/županijama za mjeru: Tražim poslodavca 2021

KANTON	Nezaposlene osobe (31.10.2020.)	70% prema broju nezaposlenih	30% linearno	UKUPNO
1. Unsko-sanski	34.982	151.510,31	60.000	211.510,31
2. Posavski	4.253	18.420,14	60.000	78.420,14
3. Tuzlanski	76.878	332.965,81	60.000	392.965,81
4. Zeničko-dobojski	56.159	243.229,88	60.000	303.229,88
5. Bosansko-podrinjski	3.331	14.426,87	60.000	74.426,87
6. Srednjobosanski	34.685	150.223,98	60.000	210.223,98
7. Hercegovačko-neretvanski	31.807	137.759,09	60.000	197.759,09
8. Zapadnohercegovački	11.268	48.802,76	60.000	108.802,76
9. Kanton Sarajevo	63.496	275.007,13	60.000	335.007,13
10. Kanton 10	6.385	27.654,03	60.000	87.654,03
UKUPNO	323.244	1.400.000	600.000	2.000.000

Tabela 6: Raspodjela sredstava po kantonima/županijama za mjeru: Služba u suradnji sa poslodavcima 2021

KANTON	Nezaposlene osobe (31.12.2020.)	Osnov za obračun	Udio/učešće (%)	UKUPNO
1. Unsko-sanski	34.982	1.903.592,83	20,00	380.718,57
2. Posavski	4.253	705.781,27	25,00	176.445,32
3. Tuzlanski	76.878	3.536.692,28	10,00	353.669,22
4. Zeničko-dobojski	56.159	2.729.068,94	36,64	1.000.000,00
5. Bosansko-podrinjski	3.331	669.841,85	10,00	66.984,18
6. Srednjobosanski	34.685	1.892.015,81	38,05	720.000,00
7. Hercegovačko-neretvanski	31.807	1.779.831,83	40,00	711.932,73
8. Zapadnohercegovački	11.268	979.224,86	40,00	391.689,94
9. Kanton Sarajevo	63.496	3.015.064,04	26,53	800.000,00
10. Kanton 10	6.385	788.886,29	40,00	315.554,51
UKUPNO	323.244	18.000.000		4.916.994,47

Zavod će, zavisno od stanja i potreba na tržištu rada, odlučivati o eventualno neutrošenim sredstvima tokom realizacije Programa, odnosno njihovoj relokaciji unutar jednog programa, te relokaciji iz jednog programa u drugi, a u skladu sa iskazanim potrebama kantona/županija.

8. Priprema za realizaciju Programa

U okviru pripremne faze Programa, Zavod:

- poziva poslodavce da se registriraju na web portalu www.fzzz.ba, radi sudjelovanja u Programu,
- informira javnost o Programu osam (8) dana prije objave Javnog poziva putem web portala Zavoda, a po potrebi i putem drugih sredstava javnog informiranja,
- izrađuje obrasce potrebne za realizaciju Programa,
- osigurava softversku aplikaciju za prijavu na Javni poziv,
- potpisuje sa službama Sporazum o međusobnoj suradnji o realizaciji Programa.

9. Javni poziv

Zavod objavljuje Javni poziv za sudjelovanje u Programu putem web portala: www.fzzz.ba izuzev za mjeru Služba u suradnji sa poslodavcima 2021 koja se realizira podnošenjem zahtjeva za sufinansiranjem/Obrasca SP službi za zapošljavanje.

Javni poziv ostaje otvoren tri (3) radna dana.

Poslodavci se tokom trajanja poziva mogu prijavljivati svaki radni dan u periodu od 8,00 do 16,00 sati.

Zavod odlučuje o datumu objave i visini finansijskih sredstava za svaki Javni poziv.

Upravni odbor Zavoda će u toku realizacije, a zavisno od stanja i potreba na tržištu rada odlučivati o eventualnim promjenama iz ovog programa.

Osnovne informacije o postupcima, proceduri i aktivnostima iz Programa, korisnici Programa dobivaju na portalu, te putem telefona i e-maila u službama i Zavodu.

9.1. Registracija poslodavca

Registracija poslodavca je preduvjet za sudjelovanje na javnom pozivu, a koja se mora izvršiti prije podnošenja prijave na javni poziv. Poslodavac se registrira putem linka na web portalu Zavoda: www.fzzz.ba. Prilikom registracije poslodavac unosi tražene podatke iz obrasca registracije. Nakon izvršene registracije, poslodavac na svoju e-mail adresu dobiva automatski generiran e-mail koji sadrži link odabirom kojeg poslodavac potvrđuje svoju registraciju. Zavod provjerava ispravnost unesenih podataka nakon čega poslodavac dobiva e-mail kojim se obavještava o uspješnosti svoje registracije odnosno u slučaju da podaci nisu ispravni, da registracija nije moguća, te da je potrebno ponovno pristupiti registraciji.

Po uspješno okončanoj registraciji, poslodavac ubuduće pristupa web portalu Zavoda koristeći korisničko ime i lozinku koje je sam odredio prilikom registracije.

Poslodavci koji su već registrirani na portalu Zavoda: www.fzzz.ba, ne trebaju se ponovo registrirati za potrebe sudjelovanja na javnom pozivu osim u slučaju izmjene unesenih podataka.

9.2. Prijava na Javni poziv

Poslodavac se prijavljuje za sudjelovanje u Programu putem web portala Zavoda, koristeći svoje korisničko ime i lozinku ili odabirom linka za sudjelovanje u Programu na web portalu

Zavoda: www.fzzz.ba, kojom prilikom će se od poslodavca tražiti da unese svoje korisničko ime i lozinku.

Poslodavac u obrazac prijave unosi zahtjeve za sufinansiranjem zapošljavanja. Obrazac prijave se sastoji od podataka o poslodavcu (podaci iz registracije), kao i dijela u kojem poslodavac navodi svoje potrebe za radnicima (broj, stručna sprema, mjesto prijave na evidenciju nezaposlene osobe i dr.), po kantonima/županijama i mjerama.

Poslodavac se po mjeri „Služba u suradnji sa poslodavcima 2021“ prijavljuje podnošenjem zahtjeva za sufinansiranjem/preuzimanjem Obrasca SP 2021 sa web portala Zavoda, na kojem se opredjeljuje za podmjeru, i kojeg dostavlja nadležnoj Službi sa potvrdom banke o računu³. Poslodavac koji izvodi obuku mora za to biti ovlašten.

Poslodavac može podnijeti zahtjev za sufinansiranje zapošljavanja osoba iz svih kantona/županija i po svim mjerama s tim što po jednom kantonu može zaposliti ukupno 20 osoba sa evidencije nezaposlenih. U slučaju da se u prijavi navede veći broj osoba od prethodno definiranog, takav zahtjev neće biti prihvaćen, te se poslodavac obavještava o potrebi izmjene takve prijave. Također, u slučaju da je to mjerama predviđeno, poslodavac se opredjeljuje za period sufinansiranja u okviru ponuđenih opcija (1, 2, 3, 4, 5, 6 i/ili 12 mjeseci).

Prijave na javni poziv se evidentiraju, u realnom vremenu, na web portalu Zavoda po datumu i vremenu podnošenja istih. Sve prijave će, sukladno pravilima Programa, biti provjerene.

Po okončanom postupku prijave, poslodavac putem e-pošte dobiva obavještenje da je prijava zaprimljena (status: *na provjeri*), nakon čega Zavod pristupa provjeri kvalificiranosti poslodavca za sudjelovanje u Programu.

Nakon što je provjerom utvrđeno koji od prijavljenih poslodavaca su kvalificirani za sudjelovanje u Programu (status: *odobren*), informacija o istim će biti dostupna poslodavcima na web portalu Zavoda te će se pisanim putem učiniti dostupnom. Na osnovu navedenog, Služba u što kraćem roku, koji ne može biti duži od tri (3) dana od dana prijema navedene informacije, dodatno obavještava poslodavca o odobrenoj prijavi te ga poziva da u roku koji ne može biti duži od 15 dana od dana obavještenja dostavi potrebnu dokumentaciju za zaključenje ugovora o sufinansiranju zapošljavanja do utroška raspoloživih sredstava utvrđenih budžetom za taj poziv.

U slučaju da nema dovoljno sredstava po određenim zahtjevima iz prijave, prijava se zaprima sukladno visini raspoloživih sredstava u trenutku podnošenja prijave, odnosno, prijava će biti zaprimljena za onaj broj nezaposlenih osoba za čije sufinansiranje u trenutku podnošenja prijave ima dovoljno raspoloživih sredstava.

Poslodavci koji su se prijavili na javni poziv, a za čiju realizaciju prijave nije bilo trenutno raspoloživih sredstava uvrstavaju se na listu čekanja (status: *na čekanju*). Ukoliko je provjerama utvrđeno da ispunjavanju uvjete programa, isti će biti pozvani na zaključivanje ugovora, u slučaju odustajanja nekog od poslodavaca, za one mjere i kantone/županije gdje su se sredstva učinila raspoloživim.

Obračun eventualno raspoloživih sredstava za poslodavce na listi čekanja će se ažurirati u skladu sa raspoloživim sredstvima.

U slučaju zahtjeva za posredovanjem u zapošljavanju, Zavod će informaciju o istom učiniti dostupnom Službi, radi posredovanja.

³ Za organe uprave navesti jedan od računa koji nije depozitni

Za mjeru „Tražim poslodavca 2021“, nezaposlena osoba iz ciljne grupe se prijavljuje na javni poziv unoseći tražene podatke o sebi u *Obrazac - Tražim poslodavca (Obrazac TP1)* koji sadrži odgovarajuću šifru. Nakon što nezaposlena osoba pronađe poslodavca koji je spreman da je zaposli uz mjeru „Tražim poslodavca 2021“, poslodavac se, također, prijavljuje za sudjelovanje u Programu putem linka na web portalu: www.fzzz.ba, unosi svoje podatke i obavezno šifru iz *Obrasca - Tražim poslodavca (Obrazac TP1)* osobe koju namjerava zaposliti i druge potrebne podatke.

Za mjeru „Služba u suradnji s poslodavcima 2021“ poslodavci i drugi partneri se direktno prijavljuju Službi, putem redovne pošte ili lično, i dostavljaju popunjen *Obrazac prijave – Služba u suradnji sa poslodavcima (Obrazac SP)*, koji je dostupan na web portalu: www.fzzz.ba i u Službi.

10. Provjera i obrada pristiglih prijava/zahtjeva

Zavod provjerava kvalificiranost poslodavaca za sudjelovanje u Programu (uplata doprinosa - PU FBiH; eventualno neplaćene kazne i troškovi postupka zbog prekršaja - rad na crno - IDEEA; te glavni račun – FIA- za organe uprave navesti jedan od računa koji nije depozitni).

Zavod vrši konačnu provjeru u FIA-i i IDEEA-i.

Zavod će Službi učiniti dostupnom informaciju o kvalificiranim poslodavcima (poslodavci koji su uspješno prošli provjeru Zavoda) po kantonima/županijama i mjerama (status: *odobren*), nakon čega Služba pristupa proceduri pripreme i potpisivanja ugovora sa poslodavcem.

Kvalificirani poslodavac, tj. onaj koji ispunjava uvjete predviđene Programom, a ne traži od Službe posredovanje u zapošljavanju, treba, radi zaključenja ugovora, Službi dostaviti sljedeću dokumentaciju:

- isprintanu *Prijavu na Javni poziv/Obrazac SP*, ovjerenu i potpisanu od ovlaštene osobe (za svaku mjeru pojedinačno),
- ugovore o radu s nezaposlenim osobama čije se zapošljavanje sufinancira, a koje je poslodavac zaposlio nakon podnošenja prijave na program, odnosno dobijanja suglasnosti Zavoda za mjeru Služba u suradnji sa poslodavcima 2021,
- isprintan i popunjen *Obrazac o sufinanciranim osobama (Obrazac SO)*, ovjeren i potpisan od ovlaštene osobe, koji je dostupan na web portalu Zavoda,
- odluku ili ugovor sa mentorom (samo za mjeru „Tvoja prilika 2021 – podmjera Prvo radno iskustvo“),
- *Obrazac za traženje poslodavca (Obrazac TP)* potpisan od nezaposlene osobe (samo za mjeru „Tražim poslodavca 2021“),
- dokaz na osnovu kojeg se iznos sufinanciranja povećava za 10 % sukladno odredbama Programa,
- dokaz kojim se potvrđuje status demobiliziranog branioca/razvojačenog branitelja, odnosno demobiliziranog branioca/razvojačenog branitelja dobrovoljca (samo za mjeru „Zapošljavanje demobiliziranih branilaca/razvojačenih branitelja 2021“).

Rok za zaključenje ugovora, od strane svih potpisnika, o sufinansiranju zapošljavanja je 30 dana od dana prijema obavijesti o odobrenoj prijavi.

U slučaju da provjerom podataka na portalu Porezne uprave Federacije BiH poslodavac ne ispunjava zadane kriterije, Zavod će zatražiti od Službe da izvrši „dodatnu provjeru“ (status: *dodatna provjera*).

Poslodavci sa statusom „dodatna provjera“ će biti obavješteni od strane Službe, u roku koji ne može biti duži od 3 dana, da se nalaze na dodatnoj provjeri, te o potrebi ispunjavanja dodatnih koraka.

Rok za zaključenje ugovora od strane svih potpisnika o sufinanciranju zapošljavanja s navedenim poslodavcima je 30 dana i počinje teći od dana obavještenja o dodatnoj provjeri.

Za poslodavce koji prijem radnika vrše putem Agencije za državnu službu, rok za zaključenje ugovora od strane svih potpisnika o sufinanciranju zapošljavanja je 120 dana od dana podnošenja prijave na javni poziv. Prije isteka navedenog roka, poslodavac je dužan dostaviti gore navedenu dokumentaciju.

U slučaju da poslodavac traži posredovanje u zapošljavanju, obavezan je obratiti se Službi zahtjevom za posredovanje u zapošljavanju u skladu s procedurama Službe. Rok za zaključenje ugovora, od strane svih potpisnika, o sufinanciranju zapošljavanja je 60 dana od dana podnošenja prijave poslodavca na javni poziv.

Za one poslodavce koji su imali status „na čekanju“, a u međuvremenu su prešli na status „odobren“, Zavod će navedenu informaciju učiniti dostupnom Službi. Služba u što kraćem roku, koji ne može biti duži od tri (3) dana od dana prijema navedene informacije, obavještava poslodavca o odobrenoj prijavi te ga dodatno poziva da u roku od 15 dana od dana obavještenja dostavi potrebnu dokumentaciju za zaključenje ugovora o sufinanciranju zapošljavanja do utroška raspoloživih sredstava utvrđenih budžetom za taj poziv. Rok od 30 dana za zaključenje ugovora od strane svih potpisnika o sufinanciranju zapošljavanja za ovu kategoriju poslodavaca, počinje teći od dana prijema obavještenja od strane Službe o odobrenoj prijavi

Služba provjerava dostavljenu dokumentaciju te ukoliko je poslodavac dostavio nepotpunu ili dokumentaciju koja nije odgovarajuća/validna ili nije ispoštovao obaveze u skladu sa ranije zaključenim ugovorima o sufinanciranju zapošljavanja, obavještava poslodavca o eventualnoj potrebi dopune dokumentacije u ostavljenom roku, odnosno o razlozima nepotpisivanja ugovora.

11. Zaključivanje ugovora o sufinanciranju

Ukoliko je dokumentacija potpuna i validna, zadovoljavajuća/odgovarajuća, Služba priprema tri (3) primjerka ugovora o sufinanciranju zapošljavanja i poziva poslodavca da potpiše iste ili nepotpisane primjerke ugovora dostavlja poslodavcu na potpis uz napomenu da iste, potpisane i ovjerene, vrati Službi.

Nakon što poslodavac potpiše i ovjeri sve primjerke ugovora, Služba potpisuje i ovjerava iste te ih dostavlja Zavodu, koji također, potpisuje i ovjerava sve primjerke ugovora, te zadržava jedan (1) primjerak, a ostale vraća Službi.

Služba zadržava jedan (1) primjerak ugovora, a jedan (1) prosljeđuje poslodavcu.

U mjeri Služba u suradnji sa poslodavcima Služba zaprima zahtjev za sufinanciranjem/Obrazac SP 2021 i prateću dokumentaciju, te ukoliko je dokumentacija potpuna i validna, zadovoljavajuća/odgovarajuća, Služba obavještava Zavod koji vrši provjeru sukladno točki 10. Programa. Nakon uspješno izvršenih provjera, Zavod daje suglasnost Službi za izradu i zaključivanje ugovora o sufinanciranju. Poslodavac može zaposliti osobu momentom davanja suglasnosti od strane Zavoda, a najkasnije u roku od 30 dana od dana zaključenja ugovora. Nezaposlena osoba mora biti prijavljena na evidenciju nezaposlenih najmanje dan prije podnošenja zahtjeva za sufinanciranje/Obrazac SP 2021.

12. Pravidanje i isplata ugovorenih sredstava

Nakon potpisivanja ugovora, poslodavac je u pravilu u obavezi, najdalje do kraja mjeseca za protekli mjesec, putem e-maila Službu obavijestiti o uplaćenim doprinosima za sufinancirane osobe, nakon čega Služba pristupa provjeri istog putem portala Porezne uprave Federacije BiH.

Poslodavac je dužan, gore navedene obavijesti, dostavljati Službi putem e-maila kojeg je naznačio prilikom registracije. *Navedeno obavještenje mora sadržavati sljedeće podatke: naziv poslodavca, JIB poslodavca, naziv mjere po kojoj je zaključen ugovor o sufinanciranju zapošljavanja, ime i prezime sufinancirane osobe te JMBG sufinancirane osobe.*

Služba, po potrebi, može zatražiti dostavu dodatne dokumentacije od poslodavca kojom se dokazuje ispunjenost uvjeta za isplatu.

Zbog specifičnosti mjere *Doprinos 500 – 2021*, poslodavac je obavezan, radi pravdanja sredstava, Službi dostavljati:

- specifikaciju uz isplatu plaća zaposlenika u radnom odnosu kod pravnih i fizičkih lica (Obrazac 2001), ovjerenu u Poreznoj upravi Federacije BiH,
- kopiju izvoda iz banke iz kojih je vidljiva isplata pojedinačne neto plaće za sufinanciranu osobu ili uplatnica ovjerena od banke o uplati neto plaće za sufinanciranu osobu ili u slučaju zbirne uplate plaća kopiju izvoda iz banke iz kojeg je vidljiv iznos zbirne uplate plaća uz spisak sufinanciranih osoba sa pregledom isplata pojedinačnih neto plaća ovjeren od poslodavca,
- platnu listu za sufinanciranu osobu, potpisanu i ovjerenu od poslodavca.

Nakon izvršene provjere, Služba obavještava Zavod o ispunjenim uvjetima za isplatu.

Zavod, na osnovu zaprimljenog obavještenja od Službe, poslodavcu isplaćuje/refundira ugovoreni iznos za protekli, opravdani period.

Ukoliko poslodavac ne ispunjava redovno ugovorne obaveze, Zavod, po obavijesti Službe o navedenom, pokreće postupak raskida ugovora, najdalje u roku od 60 dana od dana isteka ugovornih obaveza o čemu obavještava poslodavca i Službu.

13. Opće napomene

Na sve mjere iz ovog programa u pogledu zaključivanja, trajanja i raskida ugovora o radu analogno se primjenjuju sljedeća pravila:

- Poslodavac može zaključiti ugovor o radu i izvršiti prijavu osobe na Poreznu upravu Federacije BiH - obrazac JS 3100 na dan apliciranja na Javni poziv, s tim što će se ugovor o sufinanciranju zapošljavanja zaključiti samo sa poslodavcima koji ispunjavaju uvjete Programa, u okviru raspoloživih sredstava.
- U slučaju raskida ugovora o radu sa sufinanciranom osobom, poslodavac je u obavezi u roku od 15 dana od raskida ugovora, za preostali period ugovorne obaveze, zaključiti ugovor o radu sa zamjenskom nezaposlenom osobom iz iste kategorije koja mora biti na evidenciji nezaposlenih najmanje dan ranije u odnosu na dan zaključivanja ugovora o radu. U slučaju raskida ugovora o radu sa sufinanciranom osobom, poslodavac je dužan o istom odmah obavijestiti Službu te odmah po eventualno zaključenom ugovoru o radu sa zamjenskom osobom dostaviti isti Službi. Na osnovu navedenog, Služba provjerava na portalu Porezne uprave Federacije BiH da li je poslodavac odjavio osobu s kojom je raskinut ugovor o radu te da li je prijavio zamjensku osobu na obavezna osiguranja u Poreznoj upravi Federacije BiH. Ukoliko

je provjerom utvrđeno da poslodavac navedeno nije izvršio ili dostavljena dokumentacija ne bude validna, postupit će se po odredbama Programa, kao u slučaju da poslodavac nije zaposlio zamjensku osobu. Poslodavcu je tokom trajanja ugovora o sufinansiranju dozvoljeno da zaposli najviše dvije (2) zamjenske osobe po svakoj sufinansiranoj osobi.

- Za mjeru „Tražim poslodavca 2021“ u slučaju zapošljavanja zamjenske osobe, ista ne mora imati važeći Obrazac TP1.
- U slučaju da poslodavac nije zaključio ugovor o radu sa zamjenskom nezaposlenom osobom obračunat i refundirat će se do tada opravdani iznos sredstava za osobu s kojom je raskinut ugovor o radu. Za eventualno ostale sufinansirane osobe koje nastavljaju svoj radni odnos kod poslodavca, nastaviti će se postupanje u skladu sa zaključenim ugovorom o sufinansiranju.
- U slučaju nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili koristi porodiljsko odsustvo, sufinansiranje zapošljavanja se obustavlja za taj period. U slučaju povratka na rad osobe po prestanku predmetnih okolnosti, poslodavac za preostali period ima pravo nastaviti koristiti prava određena Programom i ciljom mjere iz ugovora o sufinansiranju zapošljavanja. Služba je u obavezi evidentirati navedene slučajeve te o istom blagovremeno obavijestiti Zavod. Ova pravila zbog specifičnosti mjera ne primjenju se u mjerama „Periodično/sezonsko zapošljavanje 2021“ i „Javni radovi i pomoć potrebnima 2021“.
- U slučaju mijenjanja financijske vrijednosti ugovora, radi efikasnosti i ekonomičnosti realizacije Programa, poslodavac je obavezan e-mailom obavijestiti Službu o nastalim promjenama što ugovorne strane prihvaćaju bez posebnih aneksa ugovoru, osim u slučaju statusnih promjena poslodavca (naziv, djelatnost, JIB, organizacijski oblik) kad će se raditi aneks ugovora, za što je poslodavac dužan dostaviti validnu dokumentaciju. Služba je o navedenom dužna obavijestiti Zavod koji odobrava predmetnu izmjenu.

14. Kontrola i praćenje izvršenja ugovorenih obaveza

Zavod i Služba će kontinuirano pratiti realizaciju ugovornih obaveza poslodavca, i to:

- provjerom podataka na portalu Porezne uprave Federacije BiH,
- provjerom dokumentacije potrebne za zaključivanje ugovora o sufinansiranju zapošljavanja,
- kontrolom provođenja ugovorenih obaveza neposredno kod poslodavca na bazi uzorka.

Ukoliko se praćenjem realizacije ugovorenih obaveza poslodavca utvrdi da ih poslodavac ne ispunjava, pokrenut će se postupak raskida ugovora.

15. Indikatori za praćenje realizacije (monitoring) i ocjenu uspješnosti efekata mjera (evaluaciju)

Informacija o realizaciji Programa/mjera (monitoringu) i Izvještaj o evaluaciji jedne od mjera iz Programa će se izrađivati u skladu s Planom monitoringa i evaluacije. Predmetna informacija i izvještaj će sadržavati sljedeće podatke:

- a) *Ulazni podaci:*
 - Osnovni pokazatelji kretanja na tržištu rada,

- Kratak opis Programa (uvjeti Programa, ciljna grupa, korisnici, visina subvencije, period trajanja subvencije, elementi Javnog poziva),
- Broj osoba na evidenciji nezaposlenih (po kantonima/županijama, spolu, dobi, obrazovnoj strukturi i dr.), stanje 31.12.2020. godine,
- Iznos ukupno planiranih sredstava po kantonima/županijama i mjerama Programa.

b) Podaci o aktivnostima – izlazni podaci:

- Aktivnosti vezane za Javni poziv (objava, provjera prijava, zaključivanje ugovora i dr.),
- Formiranje Kontrolne grupe za jednu od mjera iz Programa,
- Broj aplikacija - prijava i broj zaključenih ugovora s poslodavcima,
- Struktura poslodavaca koji sudjeluju u realizaciji mjera (osnovna obilježja),
- Broj osoba obuhvaćenih po mjerama (po strukturnim obilježjima),
- Ukupna vrijednost zaključenih ugovora po mjerama (planirano, ugovoreno, utrošeno),
- Prosječan iznos poticaja/intervencije po osobi po mjerama.

c) Podaci aktivnostima u vezi izrade izvještaja o evaluaciji jedne od mjera iz Programa:

- Mjerenje učinaka -postignutih rezultata.